

槐

廳

載

筆

槐廳載筆卷十八

國子監祭酒法式善編

詠歌

歸安嚴少宗伯我斯將歿前夢至一山僧舍見其座師房師及諸同年俱僧服嚴訝之諸公曰寧忘却此地耶因問山名僧云崧山嚴忽悟曾曬鞋於階視之尙未燥遂寤不數日卽歿歿時口占偈云誤落人間七十年今朝重返舊林泉崧山道侶來相訪笑指黃花白鶴前

職園雜志

康熙乙丑科余與錢塘馮禮部紫燦同邸居二人適共分中外簾及撤棘對酒邸舍禮部云第二場洗號東盈五號壁有二詩甚佳其一云朱旂夜瞭九成臺葭火當樓曉角哀分膳局前催飯去至公堂上送題來其二云魚鑰深深鎖棘籬麻衣如雪淚

如絲不虞萬里歸來日還見三條燭盡時是必係塞外赦回或
西南初開辛苦從賊中來者惜不署姓氏其得失皆不可考河西

詩話

康熙庚午江西鄉試中丞宋公榮爲監臨中秋夕得鎖闥卽事
詩二首有使者定推冰作鑑老夫先識劍爲龍之句及榜發解
元萬儼豐城人也人以爲詩識云夢月巖

偶鈔

施侍讀愚山先生已丑進士歷任分守江西參議後以博學鴻
詞中制科宋人亦曰大科將改官家園老梅四月忽花又適四枝人皆

賦瑞梅詩亦不解當是何祥也時己未科五月殿試賜進士一
甲及第者第二人孫編修如齋第三人茹編修一峰是秋廷試
辟薦五十人侍讀與高遺山檢討同入史館高公益起明經也
於是咸以爲文之北焉施侍讀集有瑞梅詩余從公

子孝虔得其墨蹟云己未夏家圃老梅作四花余適同孫子立
萌楚畹高阮懷同官翰林里中梅洲公諸故人作瑞梅詩歌索
和漫題其後金門客子苦栖遲故園梅花發幾枝花開不是梅
花時青梅結子久垂垂園林此事亦罕見俄傳盛事爭稱美花
枝人數適相符四子同時登翰苑主人愛閒不愛官可憐親舊
滿堂歡繪圖作詩後花瑞封題卷軸來長安老梅憔悴非奇樹
餘花再發人何與偶然作異轉傷心當年吾叔高吟處時艱才
盡徒咨嗟不待秋風便憶家三人年少余獨老剩有星星兩鬢

華二樓
紀畧

嚴官允繩孫字孫友號藕漁明兵部侍郎一鵬之孫己未廷試
博學鴻詞授檢討轉右中允乞歸餘十年卒於家中允性恬靜
不慕榮利年五十餘旅食京師其書詩畫並極簡妙至以布衣

名動公卿上蒙

帝鑒當廷試鴻博時僅成省耕詩一首不得進呈

帝親閱卷亟命取進曰史局不可無此人諸臣獨不聞唐祖詠
南山陰嶺秀二十字入選乎他日

召見從容垂問曰朕知汝能寫真繩孫辭尋轉中允其紀
恩一詞云烟月滿漁村一道飛書下九閭

聖主臨軒初試日遶巡白髮青衫拜

至尊隱矣又焉文歸去空留土木身何意片詞親檢自

楓宸九苑從今總負恩

梁溪詩鈔

蔡升元乙丑正月二十五日

御試翰詹諸臣于保和殿越二日

上親擢十一人再試于乾清宮臣升元完卷後蒙

召對移時抵暮

命侍衛執燈伴至閤門恭紀詩云甲子初元運動華復旦時治
隆參化育道大統

君師聲教敷寰宇甄陶勵庶司特開天祿閣齊賦柏梁詩應
詔陪駕侶含毫集鳳池春風三殿轉

御札十行披經術儒林重昌言史職宜懋勤調節侯

宵旰塵疇咨欲索苞符秘旁搜筆削遺篇章雖小技拜獻實先
資通籍經三載銜

恩借一枝使便慙腹笥碌碌謝囊錐空擁青綾被誰工黃絹辭
丹鉛標甲乙冰鑑別妍媸濫厠前茅選旋膺後

命馳五題

親再試羣彥許相隨鈴索風初定觚稜影漸移筆牀頒翡翠硯

匣啟琉璃雪乳車渠盤瓊漿鸚鵡卮傳餐客促坐握管笑支頤
學並雕蟲陋才無吐鳳奇里歌邀

帝賞宮樹少人知入夜千門靜中天萬象垂分明瞻紫極咫尺
傍青規

溫語偏親切深宵尙委蛇御爐香篆細仙掌露華滋歸院金燈
晚還家玉漏遲遭逢多異數揚扈會

昌期造就曾無外栽培豈有私同文今四訖鼓吹樂雍熙

方麓集

陳元龍奉

命教習庶吉士示館中諸君子詩云五雲多處舊橫經三十年
來鬢已星領袖清班真忝竊楷模羣彥愧儀型官同山岳千尋
峻人到蓬萊萬選青莫負

聖朝培養意他年相待上槐廳諸公濟濟盡時英肅拜登堂誼

不輕

君命欲儲公輔器師資難副友生情聲華一代文章重品誼千秋竹帛明正好三冬窮萬卷休嫌五夜對孤檠庭前靈鵲噪空枝起倚迴欄有所思共想花開全盛日須知釀就最寒時清如冰玉從來冷堅似喬松詎可移綸閣巖廊皆舊學何人不憶鳳凰池慧業文人鍊骨仙多從冰雪結因緣能甘寂境才方老不坐空山道未堅青簡憑誰堪不朽紫煙有路敢爭先他山頑石虛磨礪恰喜初陽氣已旋

愛日堂集

沈廷文臚傳第一蒙

賜官花袍帽等恭紀詩云

聖藻超千古同文被八埏升書崇選造連茹集英賢授簡金坡側掄才

補座前百僚承祀肅萬騎擁階虔苑柳春舒麗宮槐日吐鮮
歌

丹陛裏鷄唱

紫宸邊香動螭頭霧祥開雉尾烟蒼龍行歲德玉虎應星躔
以衡茅陋欣霑雨露偏拔尤真十五對策愧三千散櫟宜居後
揚糝敢在先何當蒙

睿鑒親擢冠臚傳御蓋張行幄天厨出禁筵迎賓京兆尹
歸從曲江仙內幣沾榮徧宮衣沐寵專異香纏錦繡珍采耀珠
螭被服懷滋惡捐糜念獨堅打葵寧計日食藿矢窮年探蹟蓬
山迥搜奇秘殿迎一經恩功學爲報紀

恩篇

原籍
詩鈔

顧圖河初入院郎事詩蓬山深處靜無譁蕭朗槐廳掃落花

日影風聲皆典故并闌亭角也清華柯亭劉井前朝院中故實上句用花磚鈴索事也

官供載筆無餘事吏報頌書當坐衙莫信外人嫌冷淡老夫鉛

槧舊生涯雄雉齋詩集

高其倬館中即事詩云西頭芸館近椒除信史難成築室如下

士寧諳天上事後來誰會切前書百年人遠蔡稽少五等勲高

紀載疎日佩銀魚慚飽食自憐歲月二毛初味和堂詩集

查嗣琛奉使典試粵東午門宣

音禁絕詩云日華五色映蓬萊眯眼窺天霧忽開敢謂九重

親試用尙煩諸老更廷推是日命下復令九卿公核賢否寸心何計酬

明主五字真難辨異才七十二人應踈蹠誰充駿骨上金臺權文

公貞元中奉詔考定草澤賢良之士羅第者七十二人粵東舉額適符此數查浦詩鈔

勵廷儀聚奎堂偶成呈同事諸君詩三十一人銜

帝命四千餘士向天衢良桐忍遣還遭爨老馬寧云舊識途不
道藍田無美玉只愁魚目似真珠初心自問渾難負況是

恩深倚任殊輕寒料峭散槐廳列坐披裘戶早局燭透風檐和

月照堂移春漏隔簾聽詞源力足窮三峽學海人寧守一經試

上層樓高處望千輝萬燄徹蒼涼

雙清閣詩集

張廷玉康熙乙未二月奉

命分校會闈恭紀詩云拜奉 絲綸入鎖闥

君恩重疊向來稀

臣三與會試分校爲舊事所無

最憐燭盡三條影佇奏雲成

五色輝謫劣何堪居絳帳品題休說任朱衣矢將公道酬

知遇屢見鶴鸞刷羽飛棘院重來鬢雪侵依然燈火紙窗深三

年再試持衡手午夜仍懷飲水心架上圖書翻舊帙門前桃李

長青陰

編修潘允誠乃臣壬辰本房所屬上卷今同與分校亦是佳話

拂衣不學楊公巧或免

譏嘲在士林

澄懷閣詩

雍正癸卯四月初六日奉

命主順天鄉試恭紀詩云

哲后龍翔日儒生豹變時持衡良有幸秉鑒貴無私未必符人望將何答

主知贊襄雲漢治拜手誦周詩顧俊

宸衷切觀光士氣歡風雲乘夏令桃李屬春官

四月

特恩開科臣以禮部

尚書主試故云

報國慚三獻傳家愧二難

時三弟廷舉主闕試

燕山與閩嶠同日

見鵬搏上

九月初六日奉

命爲會試正考官恭紀詩云文教光昌景運新普天率土荷陶

甄羣儒爭獻山中璞

聖主旁求席上珍遙指雲光籠棘院親承

天語下楓宸波濤欲涉恐忠信未覺龍門是嶮津

拜命之與深切惶懼

能副委任慰衆望也聞之益增慚悚鄉舉曾叨

簡命榮南宮又復掌外衡兩番鎖院秋兼夏一室掄才弟與兄

三弟廷璐奉命分校舉首愛看奎影聚問心無愧月華明休言桃李公

門事願贊壽莪

德化成上同

甲辰八月初六日奉

命爲會試正考官恭紀詩云風雲騰士氣綸綍聽

王言再主南宮試難酬北闕恩掄材收杞梓采玉識瑤瑤臣

職何能副躊躇出禁門經國資儒術持衡重藝林幾番膺

特簡方寸稟初心欲變浮囂習先除爛漫音夏卿人共諒無用

更揮金同上

丙戌分枝春闈闈中有同事人以微詞探余者余逆知其意因
江蘭中對月絕句四首中有云簾前月色明如畫莫作人間暮
夜看其人覽之懷慚而退撤棘後士林頗傳誦之澄懷園語
汪顥仰荷

聖恩

欽賜爲壬午科舉人恭紀詩云太平

聖治邁陶唐重士崇文沐寵光一樣桂花香萬國獨頒金粟雨
枝黃臘月寒枝剩幾叢破除冰凍是東風瑤階一夕生春草都
在

皇仁雨露中持將定鏡辨媼妍何幸高天碧月懸一白

聖人親策士人間玉尺總無權塞上煙雲捲地平已拚百里宰

邊城誰知飄泊秋風後雪裏梅花一夜生

范亭詩鈔

查慎行

太和殿傳臚恭紀詩云九霄臺閣九重城臚唱親聽

第四聲自比蓬麻資灌植萃欣燕雀荷生成雲開闔闔趨冠珮

風過江湖識姓名從此耐知須努力勉承鞭策赴王程

敬業堂集

文廟釋褐詩云數仞宮牆霄漢連兩楹俎豆故依然曾陪鼓篋

三千士重到橋門二十年末學豈增科目重菲才特荷

聖人憐較他儕輩蒙

恩早獨在青衫未換前朝

蔣廷錫蒙

恩欽賜進士恭紀詩云

主恩深重荷生成拂羽欣如出谷鶯翰墨一旬邀供御科名俄

頃附光榮共隨鴛序趨

中禁同向天門策太平扇影爐煙瞻

望處寸心慙感百端并雲氣清明曉色鮮巍巍三殿護祥烟侍
臣拱立螭頭外綵仗平分御道邊天上恩波流不盡人間各姓
喜初傳一聲仙樂金門出新換宮袍雁塔前

西谷詩集

賈國維傳臚日紀

恩詩云紫禁朝儀肅九賓聲聲臚唱出

楓宸忽聞御宴探花客卽是孫山下第人

天子深恩能造命寒儒榮遇頓生春喜心到劇翻嗚咽百折名

場因此身

臣鄉榜以藉貫被劾蒙特賜殿試感極而悲不自抑其所以也

恩賜復會試落第又

殺菴詩鈔

劉青藜題湯西厓校士圖詩云使院蕭蕭夜漏沉丹黃未了藥
頻斟人人解說羣空驥爭識孫陽一顧心蓬山紅燭罷修書白
簡千言動玉除畢竟中原修底福三年留得范公車

高陽山人詩集

嵇會筠丙戌獲雋館選詩云薄質元非萬選錢何當忘榜聽臚
傳龍光鳳彩瞻今日潛節奇忠訴往年

特念遺孤頒館俸暗驚凡骨立花磚承
恩感激還嗚咽

旌拔幽淪荷九天

師善堂詩集

奉

命中州典試詩云搆葺秋闈甫落成何期開府典文衡高懸燭
照三條期深恐紗籠五色生洛下多才嚴藻鑒卷中真賞貴釐
清求賢籲俊儒臣事祇有冰心荅

聖明

上

趙熊詔庚辰榜後詩云戰敗方知取勝難不關天意好摧殘抱
冰悔未因人熱採菌憑誰守歲寒花樣另翻遲乞巧烏魂頻顛

累驚尤此聞那得中山酒醒後重登舊將壇奪錦人爭歸故鄉
天涯何事絆疎狂雨絲細織愁成片風絮新鋪淚點裳中酒病
深伴微吟暗棋輪盡怯稱強夜來匣劍聲如吼夢逐荆高易水
旁春色欺人薄命宜劇憐風景太差池歐陽竄遠生離日謂彭
謝眺修文死別時謂慈冷落花城殘似錦謂懷翻新刀筆細於
絲朝衣鉢飄零盡歸燕詩成獨自悲矧繳餘生已倦飛

君恩似海許忘機玉階應制遭逢盛鎖院論文心事違不飯王
孫寧便死長貧季子豈無歸等閒莫拭華陰土曾有光鉞動紫

微

趙表善
公判詞

繆沅壬辰春日奉

命分校禮闈東勵南湖張硯齋蔣西谷諸前輩詩云清霜簾幙
鬢毛侵天日無私共照臨十五國中才最盛三條燭下感逾深

滿懷冰雪消餘滓一片空明共此心學士盤坡清望重幾桐從

此有知音

詩餘選

阿克敦京兆秋闈和諸城總憲韻詩云紫泥封啟拜

天書受

命先將萬慮除千古論文歸大雅一時喪事集華裾香飄雲外
秋風裏雨過籬邊暮靄餘寂寂虛堂人靜後就中消息更何如
搜奇未暇問清尊學古誰能破舊藩竈火茶烟遲永晝秋光槐
影隔重門空羣騏驥應殊種逝海波濤自有源今日文章歸大
手西臺冰鑑共春溫持衡虛步諸君後暮雨晨風院宇深領得
箇中多至味自然物外有清音巉巖欲剖空山玉冷落誰尋碧
海琴相對三句吟未了秋蘭芳意矢堅金老去清班愧有聲寸
心堪信不須盟但求至理無今古肯向時流逐變更碧落晴闌

秋月皎青山遠帶暮雲平當年記得經由處敢謂今朝添鑑精

文勤公詩鈔

李紱典試

命下恭紀詩云周官鄉大夫三年大比士賢能登天府厥書內史貳其上考德行次亦程道藝後來制屢更積重到文字言揚古所先法久乃滋弊幸逢

天子聖聲教四訖暨慎簡持衡臣旁燭詢三事繁余本薄劣榮

光屢叨被

敕自甲午冬蒙

恩超四級擢庶子乙未夏轉

侍講學士秋典武會試今歲除日講起居注官

徒今大賢薦牘首愚昧

九重輒聽采

命典雲南試滇焚古要荒職方昔未隸道路楚始通郡縣漢稍置王褒馬相如使節啟文字唐撓鐵橋變宋璽玉斧棄晦蒙復

千載衣冠阻中外元明再開闢風氣一變至中谿擅詩筆文襄重勛位

聖朝久化成光不遠遐裔安敢薄遠人山川憚迢遞猶恐負任使隕越滋罪戾惟公明乃生惟勤拙可貴辛苦習所能澹薄性所嗜務窮心目力仰副旁求意萬里揚

休命心盟吾獨蒞

穆堂初稿

倣裝二首詩云立國賢才重爲臣道路輕三年頻奉使五載四持衡大火西流影賓鴻北去聲囊衣原自簡徒御莫相驚文獻吳興舊山川越絕新名家宋南渡王會禹東巡玉尺吾何有冰壺昔所珍聊持精白意象罔或能神

同上

李紱中秋後七日冰玉堂限韻詩云聞道公餘共賦詩月痕剛到下絃時生花筆在分題遍束笥文多覓句遲已怪星河移碧

落也同冰玉鬪清奇推敲倘許從公後一字真慙不定碁別穆堂

丙辰孟冬

特恩越次補授詹事恭紀四絕詩云當年菲薄忝遭逢飛過蓬

山第幾峰

余初由侍講學士越少詹事詹事直學士

今日重來補遊屐玉堂東

畔且從容

詹事府在翰林院東

自疑筦庫本非才館潤脂膏更可猜

余以戶部

左侍郎兼筦

何似冰銜一條好

餐霞飲露絕塵埃宮端地望領

清華舊法廷推始降麻

自有明至今銓法雖尚書亦由開列惟大學士掌院學士詹事祭酒四缺必由

會推

今日由中出

恩詔鳳凰飛下玉皇家散仙早列瀛洲籍宦海浮沉已六回余

仕三已今

却憶微之舊詩句謫居猶得住蓬萊

同上

方觀禮闈放榜詩云紅日騰騰恣穩眠誰知身在大羅天人傳

信至偏心怯自想名成忽涕漣捧檄已辜毛義志論文多愧蓬

生篇如何可稱陶甄力瓦礫蒙收慮枉然何幸登科及此時退
無言屈進無私仰窺恩地登龍峻暗數仙班起鳳遲榜下看來
多欲泣朝中說去半能知傳聞上相虛懷甚却問明珠幾顆遺

石川
詩鈔

登第後寄內詩云雖信青雲有路通馬蹄行處徧春風一名成
就何關汝三載分離不負公身外更知多事在眼前聊放百愁
空餘寒料峭連朝甚憶殺鱗衫兩袖紅鄉俗報捷例用紅綾書賞帖去秋余舉京兆信至婦倉卒載衫袖付之家人戲云留取一半待明年來書嘗舉此相勉故報之云爾上同

張大受典試四川出都門敬賦一律詩云曉騎官馬出都城白
髮欣爲萬里行盛暑山川勞跋涉名區人物費權衡難酬

補座憐才意

癸未歲召入
墜至再乙酉

御舟問會試如何不中洛
賜金赴闕纂修四朝詩敢負

寒臆泣玉情

癸未歲召入
墜至再乙酉

制堯天復旦與同賡匠門書
屋文集

成都試院八月十五夜詩云衡鑑望明月色澄臣心敢擬玉壺
冰人才類萃奇難得文字銓量老尙能蜀國江山如錦列
皇朝館閣若雲蒸分明露泐嶂宮近桂樹清香此夜凝上同
十一月初十日使蜀旋行至獲鹿

新綸職貢司學黔南望闕謝

恩恭紀十二韻詩云使蜀初迴轡

新恩士課黔江山千里接雨露一時鬚髥士鄉皆產經書義足
漸文章開瘴癘風化際黃炎樗質叨頻薦

天顏荷屢瞻逢時今更異

寵命近能兼潭古蛟藏穴崖荒霧撥尖掄才須卓越律已必清
嚴白髮期相報青衫憶久淹須爲噉鳳集庶應拔茅占史氏承
丹詔賢人溯碧葉矢心仍遠役實學振幽潛上同

顧嗣立下第將歸吳中留別張大漢瞻查二德尹吳大山掄宮

八友鹿徐大大臨汪三文升錢四亮功宋五嘉升柯大南陔諸

子詩云半載風塵汚濁泥棘門一試蹶霜蹠妻拏失望音書嬾

奴僕相看顏色低莫向鷓鴣吟腐鼠堪嘲野鶴混羣雞山掄文

升也嘉三千里外拋君去獨向三間老屋棲新句比鄰日費吟友

隣詩比丹邱查浦數相過寓居與南陔枕中夢覺輕車響市上香

飄細馬馱不信酒徒多硯礪緣何詞客漫蹉跎自誇一著強人

處贏得長安歎息多時余各在聞邱詩集

程夢星到館詩云引試列鵷行相將入玉堂地清宜館閣官冷

愛文章劉井茶烟白柯亭花氣香前賢有風味總是荷

恩光劉井柯亭詳朱今有堂詩集

胡煦戊子山東闈中詩云東國人文著意搜羅才著筆

不辭駿骨千金售定要珊瑚一網收遠望蓬瀛連紫氣近探濟
狀酌清流圭璋已向賓筵貢只待連城作價酬好向天衢快着
鞭諸賢從此遂陶甄持衡東閣今名士佐試西曹舊謫仙雙映
碧紗籠上座高懸明鏡照深淵秋清夜聽梧桐落月旦評量踐
宿緣靜緇文字苦追求闕筆沉吟想未休也解終童能豹變更
疑梁灝屬龍頭藏閣知已誰燒尾探策同人各運籌料得馬羣
空冀北康莊行處識驊騮

張璞堂詩集

張廷璐禮闈次靜海大司寇韻詩云

聖朝文教久涵濡濟濟羣賢集九衢杞梓選材歸 上苑驊騮

逐隊向皇途藍田爭獻懷中璧碧海誰探領下珠正是棘闈春

浩蕩

溫綸重疊荷恩殊簪裾列席共槐廳鎖院深嚴永晝局湘管丹

鉛寧慢試風簷鈴析憶曾聽惟期蕊榜羅羣俊敢負雲香守一
經况有宗工持藻鑑寸心同矢對青冥

詠花軒詩集

陳萬策瀛洲亭宣

旨日口占詩云藥榜重登翰墨臣瀛洲亭北拜

恩新共知晚達非千世所恨微榮不逮親識面至今餘故吏題
名自古續先人空慙前輩殷推獎浪許驂駟逐後塵庾杲身依
綠沼蓮品題國士受恩偏一枝尚在孫宏閣萬里曾隨元禮船
良實不妨當晚歲好花合擬待秋天殷勤訓語鏤肝膈敢忘春

風三十年

近道齋詩集

卿江宣州校士詩云銀袍如鶴立庭隅應識清冰在玉壺尚憶
槐陰初滿院三千草罷沒階趨官燭幾餘夜未闌東風習習送
輕寒

摩老眼清于水不遣名花霧裏看

筠谷詩鈔

錢陳羣丁卯典試西江榜發後登明遠樓見百花洲上有被放者徙倚水濱若不能歸狀怏然有作用涪翁詠李伯時韓幹三馬韻詩云何人滯畔頭低垂絕似病馬脫韁絲此時相對風前葉昨日自許囊中錐暮雲欲雨且不雨西顛隱隱如駒馳駒馳况復看火馬衝泥報捷誰能騎貧女何堪老不嫁將軍自古歸數奇幾家博塞呼五白孤夢逐雉終成雌三十年前曾下淚今日登樓一見之芳蓀被逕不可採吁嗟不如敗鼓皮水邊人哭人不識樓上人愁人不知惟有廬陵老居士目迷五色真吾師

香樹齋

詩集

鄂爾泰三場試畢檢閱從此始矣述懷三百字奉同事諸君子詩云乾隆歲壬戌二月舉賓薦再

命領春闈惕息增驚憚自惟荒落姿學植無偏擅况乃衰病牽

心搖目昏眩聚奎仰高堂旁求殷

秘殿恃此衡量才奚翅憂

咎譴所願同事賢深感

皇情眷巨眼推老劉汪仲並高選分校十八人一瀛洲彥學
優行尤方力充才不銜流派窮淵源元音審正變推是足經綸
何有千摩研念茲復欣然手足忽欲旋從來科目場功過常居
半韞韞飾風標鹵莽矜月旦論文貌雌雄憎命形歡歎渠伊寸
晷長余吾五色朐得人良獨難失者孰稱善願言體誠求有祇
禪心辦中不中云何無然乘懈倦文章品類殊藏妙各真質拙
樸合離奇穠華並孤幹或瘦而溫腴或短而精悍但令氣味存
妍醜皆生面可畏非人言人言等諧諺凡有瑕與疵吹求自躬
先惟虛明斯生惟明公斯現虛明兩或虧一公詎能判無心以
爲心見見原非見最哉熨帖平庶以荅

恩盼

西林詩集

吳龍見甲子秋闈

命舉諸臣

親加考試充主考同考官用明人黃佐韻詩云蓬瀛何處集遊
仙珠樹翔鸞不計年梧省近連

雙闕下槐堂深護五雲邊剪除鈎棘開文範洗濯英華啟
御筵玉署平衡推卓爾

彤廷淵鑒獨超然冰壺朗若雲歸岫金鏡瑩於月在川郭隗入
燕臺自築賈生當漢席頻前已聞經術敷堯壤更見風謠叶舜
絃氣肅粉闥霜皎潔香生桂苑露澄鮮百僚共秉千秋鑑萬國
同瞻咫尺天猶記大羅前日事霓裳妙舞鬪嬋娟

薛帷文鈔

甘汝來丙午秋九月二十九日粵西撫署得家君舍弟及禾兒

鄉試捷音三世同榜喜而賦之詩云當年壯氣負雄圖健舉如

何駐副車

家君甲子初應鄉試卽中副榜今四十三年矣

欲爲科名增盛事故遲孫子

共賢書碧桐秀發新枝早丹桂香分老幹餘莫羨前驅執爿者

簸揚糠粃獨慚予

莊恪公集

槐廳載筆卷十九

國子監祭酒法式善編

詠歌三

予自辛卯至壬子凡八人棘闈場屋之苦備嘗之矣吾友陳亦韓亦老於場屋嘗作別號舍文備極形容是年遂得中式其辭云試士之區園之以棘矮屋鱗次百間一式其名曰號兩廊翼翼有神尸之敢告余臆余入此舍凡二十四偏袒徒跣擔囊貯繡聞呼唱喏受卷就位方是之時或喜或戚其喜維何爽塏正直坐肱可橫立頸不側名曰老號人失我得如宦善地欣動顏色其戚維何厥途孔多一曰底號糞溷之窩過猶睡之寢處則那嘔泄昏惛是爲大瘥誰能逐臭搖筆而哦一曰小號廣不容席檐齊於眉牆逼於跖庶爲焦僥不局不脊一曰蓆號上雨旁

風架構綿絡藩籬其中不戒於火延燒一空凡此三號魑魅所
守余在舉場十遇八九黑髮爲白韶顏變醜逝將去汝湖山左
右抗手告別毋掣予肘楊南
隨筆

康熙三十八年春

聖駕南巡自浙江回鑾

駐蹕蘇州舉人吳山掄廷楨中丙子北闈以冒籍革至是獻詩
上覽而稱善命登

御舟賦詩

賜韻三江廷楨應

制云綠波潏灩照船窓

天子歸來自越邦忽聽鐘聲傳刻漏計程今已到吳江賦畢進
覽

天顏有喜給以御箭俾次日至行宮及至

命復還舉人當廷楨之賦詩也已得首二句而思不能屬窘甚忽聽

御舟自鳴鐘卽景生情而詩乃就好事者戲呼自鳴鐘爲救命

鐘

同上

吾邑汪太史玉輪繹以康熙丁丑舉禮闈未及對策而以外艱歸里迨庚辰服闋北上邵青門送之詩云已看文彩振鸛鸞重向青霄刷羽翰往哲緒言吾解說狀元原是舊吳寬是年汪果大魁天下

同上

有督學江南者待幕友薄甚羣誚之乃集四書句縮脚爲詩曰拋却刑于寡來看未喪斯只因三日不博得七年之半折援之以全昏請問其結句未就羣哄而笑適東君至訊知其由乃續

曰且過子游子棄甲曳兵而一章皆用四支韻通押虛字亦奇

構也

在園雜志

康熙五十年辛卯科左副都御史左公必翰林院編修趙公晉

同典江南主考官榜發物議沸騰下第士子爲之語云左邱明

兩目無珠趙子龍一身是膽用古巧合如此

亞谷叢書

康熙戊午議修明史

上命廷臣各舉所知充纂修官明年開博學鴻詞科

欽試諸徵士璇璣玉衡賦省畔詩五言排律二十韻于體仁閣

取高等五十人授翰林院侍讀侍講編修檢討其餘年老回籍

者若干人授中書舍人正字各有差一時目爲野翰林其主司

爲寶坻杜文端公

立

高陽李文勤公

爲

馮文毅公

溥

崑山葉文

敏公

方

有以詩諷之者曰自古文章推李杜而今李杜實堪嗤

葉公懜懜遭龍嚇馮婦癡呆被虎欺宿構零聯璫玉賦失拈落
韻省畊詩若教修史真羞死勝國君臣也皺眉用姓巧合真滑
稽之雄也其前六句皆有指實向聞長興項鑑亭廣文灝爲余
言之今不能記憶矣同上

謝編修道承字又韶別號古梅閬縣人釋褐後謁文廟賦詩云
六經原不爲科名爵判天人在此行今日辨香分獻後驅車歸
去自分明榕城詩話

汪繹字東山江南常熟人康熙庚辰

賜進士第一人官翰林院修撰著有秋影樓詩殿撰於臚唱白
馬上得句云歸計未謀干畝竹浮生只辦十年官癸未假歸未
十年卒知詩識之早成矣詩切磋於邵陵然邵陵真而近俚殿
撰則骨秀天成稟諸性生友朋莫易國朝詩別裁集小傳

泗州選貢毛侏園藻辛卯秋赴金陵鄉試主試爲彭芸楣侍郎
其友羅孝廉恕彭門下士也寓書索觀近藝戲爲催粧俳語毛
答以詩云月影空濛柳影疎秦淮水漲石城隅小姑獨處無耶
慣爭似羅敷自有夫榜揭毛獲雋羅往賀入門狂叫曰今日小
姑亦嫁彭郎矣一時傳爲佳話

隨園詩話

唐書載賀知章在禮部選輓郎取捨不公門蔭子弟喧鬧盈門
知章不敢出乃于後園昇一梯出頭牆外以決事康熙辛丑會
試李穆堂先生用通榜法所取皆一時名士落第者糾衆作鬧
新進士無由入謁或呈一詩云門生未必敢升堂道路紛紛鬧
未央我獻一梯兼一策牆頭高立賀知章丙辰予在都中見先
生白鬚偉貌有泰山巖巖氣象待後輩當面必訓斥逢人必贊
揚人以故畏而服之余謂此張乖厓待彭公乘法也前輩率真

亦可不必

同上

茗生分校禮闈作詩云再然犀炬炤波心恐有遺珠碧海沉記
得當時含木石十年辛苦作冤禽朱香南子年有句云寄語羣
公高著眼青衫明日淚痕多余甲子分校亦有句云帶入秋闈
示同伴當時落第淚痕衫

同上

黃莘田落第賦無題云禿毫成冢還成陣未抵靈犀一點通吳
竹橋落第賦無題云聞說千金才買笑紫騮休繫莫愁家王介
祉落第亦作無題云盼得纖兒還蕩子傳來小婢又夫人

同上

雍正乙卯春余年二十與周蘭坡先生同試博學鴻詞于杭州
制府其時主試程公元章學使帥公念祖詩題是春雪十二韻
因試日下雪故也先生有句云堆從梨蕊銷難辨迸入梅花認
亦稀今乾隆戊申矣其孫雲翮爲上海令招余入署謀刻先生

詩集因得重讀一過追憶五十四年前同試光景宛然在目
鄭次公于康熙壬子副漁洋典四川鄉試精華錄送鄭郎中赴
粵西幕府詩當時紅旆向西川水部風流似鄭虔被酒共眠金
雁驛分題多在浣花箋故人一別成千載公子重逢又十年去
謁征南年正少牂牁春盡水如烟感舊集詩話
丁酉科江南場屋獎發按驗得白者李藻先及陸其賢沈旋三
人而已龔芝麓贈詩云名成多難後心白

至尊前

同上

劉統勲京兆秋闈卽事呈大司寇兼示分校諸君子詩云綸扉
曉啟捧鸞書

簡命持衡玉筆除 鳳闕乍聞傳姓字天門旋見列簪裾桂華
香帶秋風早梧葉涼飄夜雨餘行到庭陰重回首當年辛苦意

何如分席叨陪耆宿尊憶曾立雪仰籬藩人推朗鑒高三館心
爲熙朝關四門每以虛懷參衆論幸因先達識詞源廷評會見
勞丹筆且坐春風一月溫六曹三館間名久比屋聯床鎖院深
問字異時容載酒論文此日歎知音竒探昌谷囊中句妙聽成
連海上琴樺燭光添傳好語寒沙撥盡得南金想像春蠶食葉
聲寸心凜凜敢寒盟

玉音須善酌三策雨立應連徹五更久勗文章歸大雅邇來格
律見昇平洛陽紙價從教貴信有羣賢鑒別精

劉文正公集

范咸壬子八月初六日入廣西鎖院呈鄒編修詩云桂林竒峯
起平陸參差離立遙相望萬山回環趨都會選勝乃結文士場
入門臺級踰數仞翠挽螺髻列兩傍獨秀一峯峙其後宛似百
丈屏風張特立不屑與衆伍梯攀迴絕戔巍昂巖直皮皴瘦露

骨嵌空樹色皆老蒼四周遠山擁其外兒孫羅侍環中央斜倚
雙鬟若婢妾睥睨秀色形相方覩此奇境神聳立緬思往事何
茫茫藩封初啟縱驕逸僞朝偷息徒即當殿廷舊址存柱礎宮
牆永巷猶塗黃翳惟峻削形勢險衆峯戟立戈矛強驍騰殺氣
拱崑兀焉能枉席思安康以之程才聚儒雅銜枚戰勇師堂堂
樓頭吹角星斗動三千毛穎銛鋒芒歌以鹿鳴和其聲上獻
天子觀國光吾儕校文須賈勇休使山精罔象旁飛揚浣浦詩鈔
汪由敦入闈紀事用少保西林相國闈中書懷韻詩云文治光
華麗日輝

新恩申命啟春闈宮花艷壓承筐帛

寶翰香沾在笥衣材人郢斤多杞梓美調元鼎異甘肥雲芝威

鳳逢時見始信千秋邁合稀

松泉詩集

春闈雨雪

上念士子衣履霜濡

特頒諭旨各賜帑金次韻恭紀詩云春雪凝膏動曉輝欣聞

天語達重闈勤農望切期登麥愛土情殷重解衣有志敢先天

下樂

以上述上諭中語意銜

恩不爲一身肥朱提拜賜歡聲洽濺澤均霑自古稀

同上

陳浩雍正己酉福建闈中閱卷示同考諸君

是科各省同考官皆用鄰省進士舉

人詩云校文同靜夜不覺漏聲沉官燭三條影窻寒十載心秋

風多健翮流水待知音政恐泥沙底元珠未易尋

生香書屋詩集

王泰牲由庶常改授戶曹恭紀詩云幾年珥筆奏長楊此日承

恩拜省郎豈解度支籌國賦但能清儉官常新銜雨露司農

部舊夢香烟繞玉堂碌碌簿書叢裏過漫將雙鬢笑馮唐

知縣新詩

散館引

見 乾清宮授編修復

賜克食紀

恩恭賦詩云瑤宮重得近

天顏驚喜猶疑夢寐間三載戶曹居下考一時翰苑忝頭班

共八人列為頭班涸鱗畢竟歸南溟鞅掌何煩賦北山任郎中時曾奉差審

理案件縹緲鰲峯容托跡蓬壺方信隔塵寰同上

王子闡中即事詩云爭看雲路闊龍津文體欽承

寶訓新場前有王五色可無迷目恨三番曾是折肱人斗牛

遙映冰壺朗尺蠖應從碧海伸思報

國恩終抱愧參苓藥籠為誰陳同上

彭啟豐分校禮闈次壁間王夷白韻明萬曆庚戌總裁詩云重聞風靜

廣庭深分席遙瞻奎壁臨蓮炬經宵開宿霧杏花幾樹放春林
傳衣想像題黃絹關藝分明試綠沉冰鑑敢云迷五色校量評

薦證初心

芝庭詩藁

分校京聞和同事諸公詩云鎖院風光景色同依然分舍住西
東諸公總是登瀛侶三試初看皓月中短綆并闌深汲注疎櫺
燭燼晃瞳矐獨憐染袖青藍筆零落江花逐曉風

蔣溥庚辰春闈聚奎堂用壁間法司馬和明人韻詩云細雨廉

纖鎖院深

御題初捧斗光臨幾能丙鑒裁文體重向辰年拔士林

戊辰奉

爲總裁

官茲復蒙恩膺斯在

卞玉恐教山未采隋珠終覺海還沉晝長簾

幙清如水願與諸君共此心槐陰几席正春深肅肅高瞻儼

帝臨勉以虛公酌

主遇敬將辛苦重儒林燭華尙憶三條跋漏點徐聽五夜沉舒
眼敢云眞賞在但無成見卽平心力穡逢年有淺深得魚誰不
羨淵臨好花的的休翻樣新笋班班待作林一世功名皆理數
暫時得失聽升沉請看案上糊名卷盡是風簷寸晷心運際重
熙

雅化深賢關曾荷

聖人臨從今不薄邀

天語

乾隆九年十月

今不薄讀書人之句

上特幸貢院

御製詩四章有從

今恭刊至公堂散誦之下無不感涕

振古爲昭式藝林杏苑露濃春浩浩奎躔雲淨碧沉沉焚香獨

坐頻添句平旦清明一證心

恒軒詩鈔

倪國璣丙辰五月十七日奉

命典試湖南恭紀詩云鳳雛生才地

龍飛顓俊時秋英求澤國文教洽南陲慎簡欽

恩命推揚忝素知大庭重較藝三殿屢登墀佇聽宮壺漏齊

瞻

御仗儀記名

天語藹奉

詔使車移蒲綠薰風長葵紅曉露滋遶湖新驛路作客舊題詩

岳麓開蒼霧湘流湛碧漪遊曾三楚遠官豈十年遲暑雨逢行

邁關河入夢思星河明一點照我玉衡持時為乾隆元年恩

舉典試之人三月十七日保和殿考定等第引見養心

殿記名以試差用理為錢塘徐公忻保考列一等十四名五月

十七日恩命典試湖南憶自丁未秋迄已酉夏客長沙者

三年茲奉使而往實為稽古之樂且此地人文昔畧識其繁于

詩集程盛修陳定先領袖南宮旋登狀頭作四絕調之詩云五更聲

徹六街頭英妙輪君第一籌傳徧洛陽聲價遠卅年重與說揚

州

謂樓村前輩

三載淒涼冷樹秋此番高出眾仙儔教官金榜非難

事難在逢萊最上頭

教官金榜非難

馬上昂藏七尺軀風飄絃管

溢通衢捲簾紅粉知多少盡道鬚鬢頗有鬚雄姿英發妙初時

三十卿材認本師衣鉢相傳作公輔到來已是十年遲

衣園先

卿左遷分枝年重二十九矣

久陽書

阮學浩三
阮學浩三壁間策南麓前輩韻呈同事諸君子詩云

深嚴鎖院之嚴驪筆綵聯翩雁一行身傍雲霄看歷歷夢迴江

海思茫茫二歌席正懷張籍授簡筵應對謝莊千古河汾昭正

派清詩
派清詩還顧芝蘭論臭記交初同調相憐氣不疎敢信

珠淵
珠淵莫盡終教駿骨市非虛披吟密座驚簷雀

謂分枝整肅諸君

重開
重開鑰魚司馬畏是

聖朝勤側席循名應勿負賢書

裴園詩仙

張映斗

特賜官第爲庶吉士肄業之所月給供饈感

恩勵志恭述十二韻詩云適館英賢禮餐錢貴仕資何當則新
進重與沐

鴻慈

聖德隆文治人才貢有司引來鸚鵡隊遂入鳳凰池士氣清華
振

天恩稠疊施儒風承藝苑皇路翊明時夏屋經掄選冬官載
整治羣書標錦暉衆器列綳帷彩棟通黃道朱提下赤墀星羅
分廣座月計定成規誦讀原臣分鈞陶仰

帝熙緬思籌旅食奕世頌

昌期

秋水齋詩集

丁卯偕龔學畊學士典蜀試首途次韻詩云宗伯傳宣拜

主恩封題紅紙旋當門暫收館閣丹鉛筆待埽我眉翠黛痕我

愧三廳齊月旦人占二使動星垣不辭暑雨官程促馬踏槐黃

跡已繁

同上

張湄奉

命典試雲南出都門恭紀詩云萬里西南第一程征塵驛騎趣
裝行籠霄御氣回頭近當暑征衫稱體輕信有文章移樸俗肯
教顏色著離情碧鷄使者殊堪數我愧王褒共馬卿

詩集

阮學濬戊午燕闕次相國西林公留題韻詩云使星萬里擁行

旌

丹詔飛來忝注名敢謂文章堪報稱却慚溫飽負平生鑑衡魁
柄歸公道山斗儀型奉老成上相憐才垂訓切碧紗籠處望中

明雨行樺燭透簾旌憶昔南宮倖廁名一瓣香前依座主三千
士裏號門生追維陸氏情如昨多媿顏回鑄未成我是宣公門
下士荒莊已事記分明清癸丑禮閣受知于大司農公賓興隆禮媿千旌選俊
升賢此策名自是經綸推碩彥將章句鄙儒生寸心慘淡微
吟苦尺幅淋漓落筆成漫說煎茶傳故事試瞻奎宿五星明秉
鑑何殊進善旌無端遇合是科名但教辛苦初心在不遺冬烘
物議生駿骨定緣千里貴驥桐須要七絃成

聖朝文教孚寰宇玉尺樓頭署字明

試使所居前輩沈谷庭先生顏曰玉尺

詩鈔
周人驥丙辰奉

命貳栢撫菴太史典試入闈同日出京賦贈詩云高文典冊狗
塵埃太史聲華國士才愧我疎庸牀上下聯名 廷試荷

天裁南國持衡任匪輕簡書飛下促行旌芸窗鉛槧童年業好竭平生會

聖明憶昔珠江視學時丹黃午夜每參差閩南要是人文藪賴

有宗工玉尺持

薌遠堂詩

金德瑛奉和香樹侍郎榜發後登明遠樓見百花洲上有被放者徙倚水濱若不能歸愀然有作用涪翁詠李伯時韓幹三馬韻詩云妙技爭誇和與乖閩中得失千鈞絲一朝榜發歎自嘆默默愧此三寸錐

聖朝選士命歐陸冒暑六月鋒車馳正當珠玉搜仄陋肯以糠粃輕孤羈須知藥榜有定命一士數偶百士奇長途弗與整秋駕故里還復烹伏雌爾方倚闌意何似公已遠望默識之文章公器宜自反洗濯骨髓寧毛皮金針度處誰共喻馬首噪者或

無知如得其情矜勿喜公之衡文真士師

檢門集

劉綸塗次見青衫席帽策蹇西歸者詢之僕夫知其下第諸生也詩以示慰且致勗焉云勝來可喜敗欣然一紙泥金孰與傳乍失意時休顧旣得空心處自忘筌名經千佛多先輩樺燭三條剩後緣賦就阿房懷袖底吾曹應笑杜樊川衆裏無須苦厭身龍門知不少潛鱗

清時莫問終南徑離緒空迷霸水津見獵幾番心尚壯爛柯一度識偏真十年燈火秦淮夢我亦人間租稅人

龜巷外集

鎖闥催放詩云小吏橫將紙尾陳簾前催放重逡巡須知一日閒題品回首遺文似東薪

同上

杭世駿已未二月六日赴禮部宴

恩賜簪花表裏恭紀詩云金水橋邊路朱衣導引來陽和迴曲

宴遲日上春臺法酒將花艷宮袍稱紉裁

聖朝恩禮重不敢負賢才

道古堂詩集

沈廷芳散館後引

見特授編修感

恩恭紀詩云鳳池半載沐

恩波常愧閒鷗上玉坡廣廈端居兼教養

綸書旋下振鑾珂欣同東指除西觀遠勝匡衡中丙科

特予一階真異數兩人幸校八人多

乾隆元年考取詞科諸臣甲等五人俱授編修乙等

十人內五人以科甲出身授檢討五人以諸生改庶吉士

年旨授編

散館

修實異

御試時臣士鍾臣廷芳皆拔置甲等奉

旨授編

周煌乾隆七年壬戌會試和西林相公入闈言懷元韻詩云鴻

鈞萬類應神畿上相承

恩出省闈到此更誰忘矮屋有人猶自著麻衣驚過杏苑金初

綻魚跳桃花水正肥最是同時參盛典瀛洲十八比來稀

同考

人皆官翰林
爲前此所少

海山存稿

予壬戌甲子兩司分校後不入貢院者三十七年矣庚子入闈

和吉渭涯學士元韻桃李蹊成半沒苔衰遲還荷

主恩來地經辛苦心常在路欲低迷首重回未信金鉤終可刮
敢誇玉尺尙能裁斯文並有初中晚風氣何當更一開登堂三
復

御題詩校士惟應慎所司總有文章歸雅正莫將藻鑑賞新奇
搜林斧且期同入分水犀猶待共披我亦麻衣難再著告君此
事

聖心知

同上

郭肇璜京兆秋闈分校奉和總憲諸城劉公原韻四首詩云聞
闔晨開下玉書榮襄盛典拜 丹除台光乍接冰爲鑑旻氣初
分爽拂裾鵬路烟澄新霽後瓊池香散嫩涼餘庭槐黃似當年
色今日從公意穆如清望原知獨坐尊更無綾刺涉籬藩法星
自炳中垣側散木都歸大匠門丰采頻年占物論文章此日問
真源鎖廳未覺商飈厲一月春風坐宴溫月案風簾漏易沉重
吟細把意尤深心緣清白留真賞時值

昇平發雅音符采顯分和田璧海山高寄伯牙琴連朝親見披
尋苦大治應無躍冶金傲心不待曉鐘聲一段孤懷暗自盟江
上秋蓉倚暮色簾前樺燭憶殘更拈毫轉愧科名易展卷多令
士氣平喜見巨公司玉尺從知象罔卽心精

鳳池詩集

德保奉

命視學順天恭紀詩云星槎迢遞豫章田中道

恩綸日下來敢詡量材操玉尺却欣買駿向金臺士逢燕趙多

奇氣詩採輶軒擅別才况復論文遍桑梓奉考試無庸迴辟千秋

曠典自

天開樂賢堂詩鈔

蒙

恩復充辛丑科會試總裁恭紀詩云昨歲探珠慮有遺

主恩珊網許重持封緘題紙來千里時命題山驛駕幸五臺報

國文章凜四知儒雅真逢謝康樂金剛少宰詩才合讓沈佺期雲叔

馬草廬更有傳經彦香亭副憲三公皆同事同看三條燭影移承乏禮闈

逢癸未于今屈指四司衡敢將暖昧欺寒素惟以虛公答

聖明老馬識途才智短全牛游刃鑒裁精一堂分校聯衣鉢

勉相期矢寸誠

同考多通家

同上

甲辰會試蒙

恩充總裁官恭紀詩云弱冠科名憶短檠

余年十九成進士

禮闈五度

荷持衡化隆稽古文增盛鑒愧知人老漸驚千里封題緘

御墨

題自江南在封發到京行

三春花氣滿金城虛堂清悶苔痕舊祇有

煎茶句未成

同上

曩日修南園揭曉日示多士二首詩云門外青袍如立鵠

用東坡語

十年前記此間過自維舊業成荒落端藉新知與琢磨卷裏蟲

魚催我老榜中龍虎得人多只愁結就珊瑚網別有遺珠可奈

何桂花香發杏花叢一種東皇雨露功敢誦老夫親手植須知

吾道此心同

四朝培養羣英出六代浮華往蹟空勉矣前途無限事鹿鳴歌

關莫匆匆

叔度詩集

沈德潛臚唱恭紀詩云鳴鞭靜後奏簡韶

御幄香濃入絳霄鹵簿疊陳儀仗肅鴻臚三唱姓名標羽毛共

看翻靈鳳文采爭傳賦洞簫天半倘逢雲五色魏公碩望在同

朝詩思

鎖闥卽事呈同事諸公詩云桂香濃處月輪圓棘院深深別有

天慙塊正須千里駿搜奇恐媿九方歎諸公秉鑑除纖翳老眼

持衡戒小偏汲水煎茶非我事好詩只讓大蘇傳試院煎茶東坡詩時事

衡文恐無暇及此

慘淡經營各逞恩打頭屋裏吐現奇蠶聲食葉管齊

下駒影騰空日漸移鼓瑟湘靈有神助運斤輪扁寸心知可能

五夜饒餘勇興滿三條燭盡時經義由來貴大醇胸中抱負總

探其芻靈木偶防因陋土伯蛇神戒關新清廟遺音原淡淡高

樓落紙敢頻頻熊劉風範今存否願爲荆襄辨玉珉號舍曾經

十七回

康熙丙子始

偶逢

天澤潤枯荄選才已與屠龍遇變色還因談虎來欲報

聖明憑翰簡敢期朋好鼓衰頽諸生發軔從茲始突兀同登郭

隗臺

同上

錢維城乾隆己卯江西省闈題奎宿堂詩云年少封侯客都忘
百戰場塵沙來廣武雷雨憶昆陽色變猶談虎津迷更望洋呼
聲聞壁上心怯陣雲黃坐使英雄老三年一選場不緣偏雨露
也復走風霜莫羨冲霄去長懷鐵羽傷初心無可負惟有厚顏

將

茶山詩鈔

邵齊燾甲子秋闈余以庶常獲與同考次聚奎堂壁間舊韻詩

云聚奎承乏

主恩深越次追隨愧不任
多士他年皆鄧杞此身
前度尚雲林
須扶大雅還先正
敢導狂瀾使陸沈
代斲無才真忝竊
未忘直道是初心

王芝堂詩集

圖銘布壬申闕中和璧間韻二首詩云金鎖重闕試院深持衡
時念

帝天臨鵷鷺迥異庾家驚杞梓偏多鄧氏林
千載頽波歸雅正
三門激浪判升沉
慈恩塔下看花者
不負乘風萬里心
似水秋光冷漸深
東房西序偶閒臨
連茵壁映神仙窟
抵掌風驚道德林
花落蓮燈光颯颯
壺傳銀箭漏沉沉
人間不羨芝蘭室
別有

清芬愜素心

枝巢詩鈔

癸酉入蜀典試紀

恩詩云清曉纔齊侍從班

繡章高自五雲頒銀魚暫許辭文陛玉尺從教出武關夏仲道
衡梅雨去秋深應趁菊香還

君恩軫念烟雲癖奉使仍兼看好山

同上

庚辰山左典試出都紀

恩詩云秋光澹蕩露溥溥結束征衣稱曉寒路指青齊千里迴
心懷

御陛五雲盤花繁柳拂乘軒過水送山迎按轡看好是文章堪
報稱幾多佳士正彈冠

同上

葉觀國奉

命督學廣西紀

恩述懷詩云秋闈玉尺忝分持拜

命重叨校士司萬里星輶臨桂海三年絳帳憶滇池延英召對

天容霽宣政頒麻

制勅隨懷愧

恩私難報稱飲冰集木是心期繫門官馬向風

鳴騶從翩翩出鳳城作吏不離香案貴書衙應勝玉堂清盧溝

水落秋經盡灰洞塵高日久晴遙喜前途歸使節時時林下一

班荆

時奉
皆先後還

使諸君

十年五度奉

恩光出入頻經楚豫驕傳吏來迎多舊識館人相見道勝常摩

挈驛壁留題在指點郵亭記憶詳周道今方趨八桂征夫舊已

涉三湘

觀國蒙
南湖北湖南試事督雲南學政今又赴廣西驛路皆出

恩自乾隆癸酉至壬午十年之中嘗典河

豫楚一帶也

陽朔山川古所誇圖經先為討幽遐宗元自喜尋愚谷

靈運還能賦永嘉五管星辰懸嶺外三江烟水極天涯

承平文化涵濡遠定有英才煥物華

綠筠書
岸詩鈔

錢載丁丑春闈聚奎堂後東房宿次詩云卻擬王融筆仍權李

謬篇煎茶方欲賦寫韻孰如僊簾輓風微動廊深月乍偏外堂
收卷畢想未得宵眠

上欽定科制二場經文四首改表爲詩八韻一首先日選韻總裁屬同考寫之

刻以
釋石齋詩集

已卯廣西衡鑑堂詩云朱邸重階舊方城列舍寬夜臨西月靜
秋擁北峯寒五字吟初叶三場勘總難矯然風氣望江嶺鬱相

蟠

同上

庚辰聚奎堂後西房宿次詩云旭景當檐最近南高依槐幹葉
猶含廣廷軟草聞行趁淨几微香寂坐參感切

主恩頻歲及媿疎經術寸心諳恭聞磨勘應蒙宥持擇斤斤尙

勉

同上

乾隆甲午科余典試江西舟發南昌回憶丁卯秋文端公典試
江西余隨往陪焉侍御金學使彭方伯登北蘭寺之秋屏閣載

有詩云沙軟江斜竹逕青夜遙相映入禪局燭光林影栖鴉起
露氣蟲聲落桂馨未閣從容秋士展碧霄清切使臣星待懸曉
月闌干上看盡西山十二屏今登閣者惟載在矣鐸石齋詩集注

翁方綱入翰林院恭依

御製詩四首元韻詩云星垣蓬島鏡中春

天筆親題席上珍如此褒榮蒙

聖主誰無感激况微臣步趨曉日花輓影飄飄雲翰墨新賡
和廿年名輩在畫欄遶讀重逡巡儀舞周阿集鳳鸞琤琤玉佩
藹衣冠人間綠字金書少今日奎宮壁府看學士柏曾依井植

劉井西瀛池槐記覆亭團前輩有瀛洲亭
御河橋接紅牆影

東面周遭萬頃瀾敢謂交游氣誼聯度共天保鹿鳴篇讀書識
字求忠孝立志修途向聖賢排比琳瑯珍月露鋪陳清祕富雲

烟肯徒藥榜霓裳詠四十人同擬衆仙同年入院者詞源萬派

匯冲融著錄諸家一折衷八代韓公能振起韓堂東羣經

御定益尊崇師儒唐宋規難並故事洪陳輯孰同洪遵翰苑羣書陳駉館閣

錄拜手賡歌千載遇光華復旦日方中復初堂詩集

顧光旭校士已卯秋闈中作詩云我思海忠介如山有泰岱我

思熊次侯如器有鼎鼎昔我八世祖瓊海得公在洎我高祖時

漢陽出當代海忠介先八世祖洞陽公門下士熊次侯先高祖勉齋公已丑分校首薦二公列門牆

下士盡茫昧鑒別具真賞不在文字內大儒相輝映後先百餘

載由今溯

國初極盛難爲再

熙朝協文明五色羅縹緲縹緲何足多不辨懼目昧試官任掄

才摸索資進退顧慙伯樂知欲空冀北隊豈無荆山璆忍使和

民廢豈無珊瑚枝轉慮鐵網碎重簾閤幽光氣數分顯晦取人
豈徒言磊落看意態敢云紹家風於此求俊乂得士佐休明持
作

大廷

對

集

槐廳載筆卷二十

國子監祭酒法式善編

詠歌四

錢香樹尚書喜聞從孫載南官提音卽次誠兒韻詩云琢成楮葉廿年遲著論韓公伸紙時自註今年

欽命題卽廿年前載中副車題也與退之不貳過論相類又詩云門下同官修後進月中通籍悟前身自註兒子汝誠蔣庶常櫟皆受業門下今入翰林實近年科舉佳話也

竹葉菴雜記

康熙丁未授秘書院辦事中書舍人共十二人曾祖偕田公雯沈公印范張公鵬張公鴻猷張公衡申公穉朱公射斗李公迴梁公聯馨紀公愈孫公百蕃一日在署張公鵬嘆曰吾輩何日可成正果申公穉吟曰書生薄命還同妾丞相憐才不論官田

公雲吟云失路嗟何益癡懷老漸平因相對泣下

趙李同詩話

乾隆壬午春余從雲巖學使於衡州試院將按永州余暫歸清
泉署次日買舟追赴于祁陽中途雲巖用昌黎合江亭韻作詩
相待云別君甫二日勝踐事已左扁舟感印須好風思咳唾豈
無同心彥歡情託參佐之子期未來欲餽詎可貨瞋投孤嶼泊
側想千帆過夢裏尚遲君依稀展齒挫朝來傳好語檣燕屢鳴
和江郎瓊半分陶家力一箇溯洄亦阻長君來忘坎壈祇乘剡
溪興不戀彭城卧念君住東軒令弟最吏課謂蘇性耐官理宜
爾留滯勢豈那君方舉龍文健筆振羣悞著書排俗說一字國
門播文如繁露醇詩笑東野俄憐子遠追逐敢以得士賀三年
乘輅車舊學益荒惰江山空到眼賓客鮮驚座同心喜蘭芬析
理已的破跌宕風月閒誰能卽塵泥余亦卽和答一時同人皆

有作至永雲巖復疊和數篇命吏抄錄成帙郵寄族姪屬入清
泉志雅情逸興至今思之洵屬前輩風流不可多得雨錄
吳白華司空省欽久困鄉闈丙子被貼飲長干酒樓詩歸燕吟
成近十霜吳鞵重踏大功坊故侯寥落遺民老忍見西風字數
行大功坊被貼處丁丑召試授中書感遇詩再四蹉跎榜未填
塞人豈分上青天科因制舉尊鴻博典爲

遊巡予量銓迨癸未入詞館戊子秉文衡及今已三十年凡典
鄉試七次會試同考三總裁一學政五任弟省蘭以舉人學正
甲午充同考戊戌賜進士以編修充丙午浙江正主考大考第

一侍講擢正詹事

蔭
雜記

壬午鄉試趙甌北編修翼分校作秋闈雜咏詩一時傳誦錄其
最警策者如宣名云觚稜淑景日初寅

御紙簽名下紫宸同輩半爲揚解客至親翻有向隅人一時朝
服班行肅隔夜巾箱檢點頻却笑門前迴避字主人出後貼偏
新赴闈云衣冠一隊出朝來銜尾雕輪輾輾催故友相逢休問
訊諸生旁睨或低徊登瀛數恰符仙侶觀象臺應聚斗魁太息
十年辛苦地敢期珊瑚網入羅才封門云關鎖中分棘院森外簾
信息總沉沉官封恰似泥丸固人望居然入海深選佛場清塵
自隔聚星堂迴路難尋由來令甲嚴防禁如水臣心久自箴佔
房云紙窗隣並似僧寮三面分排判蘚茅幽谷新鶯頻繞樹畫
堂舊燕早投巢舊曾分校者多佔正房
新進不知則兩廂矣宵來說鬼常盈座曉起
聞鷄爲近庖斗室敢嫌湫隘甚風簷猶憶號簾敲聘禮牌云齋
期停宴鹿鳴筵白鏹仍頒錦盒鮮鎔處金分三品貢鏐來字異
五銖錢質精應識披沙苦禮重真同納采虔却笑儒珍常待聘

今朝何以答求賢供給單云食品開明二等殊仍防中飽落厨
夫漫疑乞米書成帖不比充饑餅在圖日有隻雞公膳半夜無
斗酒客談孤歌魚詎敢彈長袂肯啗儒餐分已逾食單無鄉厨
云不諳烹飪强司厨每一房頭撥一夫聊可燂柴當老婦偏工
媚竈諂人奴奉奴僕甚謹饑腸定有羊蹄踏敝袴誰憐犢鼻污
乞得爨餘頻護視出闌一飽共妻孥刻匠云梨棗先期妙選材
風斤月斧一時來官差獨應詩文役儒術偏資刀筆才詎以刃
游矜絕技所期紙貴賣名魁關心更有同門卷預向經房訂幾
回分經云不多數子領羣流餘輩經堂各探籌多士未遑談虎
觀考官恰似劃鴻溝逢來未必專門業分後偏防易地謀信有
科場如射覆量才人亦聽拈圖擬策云策題分擬戒搜羅不比
賢良古制科腹笥愁渠真太少記珠笑我亦無多略鈔兔冊留

方便暗度鴛針教揣摩莫笑巖編據拾果誰成誦口如河

編即策括也 剔題云剗剔纔完促剔題以泥觀板足踏之 錯疑

見文獻通考 響揭印層綿烟雲頓滿非濡墨剔印用 文字何災却污泥消息

怕傳通信鳥限期頻聽報更鷄剔字關防甚嚴五 還愁漫漶文

難別監刻輪番仔細稽選韻云令甲初添試帖新主司選擇為

臚陳華嚴字母刪奇險韶濩詩林取雅馴父手揮成知幾輩吟

髭撚斷定多人最先一字休忘却官韻當頭耀炳麟限得某字

一薦條云三寸冰銜鏤刻工卷端鈴與薦書同品題未便無雙

士遇合先成得半功佛海漸登超渡筏神山猶怕引回風笑論

此即量才尺大抵抽長在短中文凡云東西棐几兩排連序坐

居然十八仙旁列如叅尊宿座經閣剛半主司筵主司方桌 席

間地豈睽函丈每桌皆接 案上文常擁累千詞館向論先後輩

連不隔

如何位次按經編卷箱云曹倉鄴架漫相同無限精靈閱此中
敗卷堆成團扇篋佳文貯卽碧紗籠封鈴怕有冤啼鬼扇繡如
防氣吐虹在筒衣裳誰佔取却須破壁去飛空紅燭云五色迷
離晚退堂例燃紅燭照昏黃文心已炳增熒爚官體聊存取吉
祥恰映朱衣人現影不容硃卷字分光備說不閱卷別憐矮屋蠅頭
字剔盡寒花夜未央藍筆云中書不判五花工凝碧池頭染翠
融欣賞情同青眼客別裁權亞黑頭公淡痕豈向眉添黛濃抹
何須帛勒紅却笑出藍凡幾輩異時若個最葱葱落卷云幾陣
雲烟過眼輕案頭堆疊太縱橫落花退筆全無艷食葉春蠶尚
有聲續命縷殘誰起死返魄香到或更生閻投未必皆珠顆無
限人間嘆不平副卷云去取真看雞肋如棄之可惜味無餘戰
塲旗色標偏將馳道椎聲中副車文采原輸全豹變姓名休笑

續貂書側生荔子香雖減猶勝西風落葉疎撥房云中額難均
數迫懸按房裏益主司權未妨螺贏艱生子笑比琵琶別過船
紅藥贈行應割愛錦窠托宿亦成緣莫慙掠美如醯乞磨勘嚴
條藉獨肩既撥房後如磨勘干吏議則所撥之房任之原薦者不與勘卷云校勘深防吏議
持闌中先自細求疵世情肯爲微瑕掩宦况愁停薄俸支入殼
仍憐危絙落千霄或厄閨年遲頭場已中後場有疵者停科始知完璧真難
得看取縱橫抹筆垂闌墨云十八經房各數篇篇端未有姓名
鐫人間可許千秋鏡此地居然萬選錢紙價明朝增幾倍魁星
一輩又諧天却愁衆口吹求甚斤削先加鏤刻前草榜云編排
紅號據文評一榜翻疑以字行恰似風簷纔起草尚遲澹墨爲
書名異時雁塔依先後明日龍頭可老成填榜前一日穎脫諸生應
得兆家家乾鵲樹頭鳴諭帖云匝月嚴扃絕寸箋忽揮僮約出

閣傳定知書到堪金抵却命車來以賄選

供給所餘皆載以歸

露簡不封

書半草冰銜自寫筆如椽還同路引經關隘點驗層層始放前

填名云堂吏聲高唱拆封關防加密鎖闌重掀髯劇喜名流出

防口深愁熟客逢星斗光連干炬火魚龍氣動五更鐘榮觀最

是填魁候六幕文昌景倍濃拜榜云淋漓墨瀋遍填名肅穆朝

衫告禮成所願人皆爲國士豈嫌師轉拜門生滿堂燈火榮光

照一路笙簫雅樂迎却顧東方已辨色卿雲紉緱日晶明謝恩

云朝房冠佩雁行排放榜明朝詣闕皆報國文章聊可藉儒官

職役此爲佳求師已有欄衫客逢友多稱玉筍儕稍遜皇華人

復命親承天語叩瑤階赴宴云退朝車騎又喧闐京兆堂高綵

繡懸臧鳳盡來新貢士餽羊猶見古興賢堂餐味出官厨饌廳

壁圖開禮宴筵

主司及執事官皆與宴

此地恩榮慚最荷去年聯從

滿庭前門包云紅蓮名帖認師生執費儀文章草成修脯自行
原有例錙銖必較太無情士如畫餅寧供啖我亦荒莊敢取盈
莫以芟芟薄羔雁窮經人本少金籀房卷云校官各自有房元
試牘從排似弟昆十數名分新雁塔一家人集小龍門合編恰
比聯珠宿朔緒原非異蘭盆師說誰堪傳枕膝十年詩法要相
論時蔣茗生士銓亦與分校賦滿江紅詞藍筆云毛穎先生新
除授蔚藍天使青眼內生平不識楊朱墨氏翠壁間題應減迹
綠天徧寫難尋字草新詩待借碧紗籠添螺子黛眉恨何關爾
青衫淚多由此判升沉一句辛苦三年悲喜疎密圈來方入殼
縱橫抹去非知已比盧公老臉坐中書操生死薦條云判姓分
銜縱五寸六分寬窄雕鏤出一行細字堪陪玉尺左右分陳監
試案收藏不到司衡席認經房卷面印分明存稽覈天人界鴻

溝畫雲霄路，雨關隔發軍。符好風吹送，幾行飛翻半。喜猶爭文
字，命終身已注。師生籍抱遺珠，借慰老儒心。嗟何益，落卷云經
笥，便便知不等巾箱。儲蘊歎燕石，豐年難售。匱中重韞，趙括殘
兵，同一泣。田橫義士都相殉，待求他藥籠，貯黃楊，偏逢閨冬烘
冊陳年券，魚豕字尖叉。韻向此中沉淪苦，海地天俱悶。躍冶豈
無干，莫寶藏鋒偶作鉛刀鈍。祝他年拔宅共飛昇，休長困。同上
施愚山移寓寄宋牧仲詩書聲不敵市聲喧，恨少蓬蒿且閉門。
此地栖遲曾宋玉，薜牆零落舊題痕。曠園雜志已未愚，山寓邸
寄雲樓下老梅四月開四花，俄而報至施與高詠俱入翰林南
隣。孫卓榜眼，茆薦馨探花，皆同里人。是科四月殿試，果符四花
之兆。同上

本朝直隸狀元自雍正甲辰陳大宗伯惠華始封翁夢神人贈

松栢兩株桂花一枝咏詩以紀有庭樹二株邀祖德天香一瓣
續孫枝之句長子惠榮少子惠正俱以進士官藩臬宗伯登上
第年八十三而卒

石鼓齋
雞綠

陽湖莊本淳培因學士少負才華不作第二人想乾隆乙丑令
兄方耕先生存與以第二人及第學士賦詩調之落句云他年
令弟魁天下始信人間有宋祁後果中甲戌狀元嘗館課夏雲
多奇峯有天際落芙蓉句頗自矜詡未幾卒此與蔣菱溪麟昌
編修羊燈無燄三更碧同一詩識

彙硯
瑣談

于宗瑛闡中典試和彭芝庭大司馬步壁上明王衷白先生元
韻詩云泰山北斗望同深司馬中丞喜共臨

時鍾大中丞
亦同典試

一鑑

明明懸壁府雙星耿耿照珠林龍門躍露秋霄潔鷺瓦衝涼月
色沉十八簾官同嘯咏冰壺想見大賢心

東鶴堂
詩鈔

蔣士銓壬午八月六日入京兆闕紀事呈梁觀兩院長及館閣
同事諸君詩云觚稜晴靄汎晨光冠佩趨朝集瑱廊

御筆僉名珠可貫禮臣宣

敕鳳鳴鏘駕鸞小會聯新翼奎壁重來解急裘

時兩院長于塞外奉命至

何幸微臣樗散士叨陪列宿入文昌雕輪銜尾出東華六府頭

聽已放衙齋日例停京兆宴天衢樂導使臣車迴翔雲路思前

轍指點風簷說舊家那識虛堂清闕極斗牛邊畔許乘槎玉皇

案吏並台階新侍長楊羽獵回文囿全邀枚馬坐絳紗仍爲戴

彭開

同人半出兩先生門下

三年種樹依喬木

王夢樓宋小巖已別舉京兆卽出兩院長門節

次持衡應斗魁竭好同來簪筆侶

十八人皆先後出館閣是爲盛事朱衣屏後

最低回院宇深嚴戶牖排登瀛人數恰相偕多冠雙入監闈使

縹檢分呈聘禮牌鳳覓高梧原有舊

皆會與分校者燕投新壘便

爲佳難忘矮屋苔花碧檢點衣痕尚可揩陳縑寢食廿年俱忽
漫巾箱寸帙無伏案低顏思卷軸聞雞失咲送庖厨朝曦過隙
心猶惜夜魄窺簾影未孤此是桂輪蟾窟裏萬間廣廈一冰壺
老眼無花鏡月縣玉堂連袂領羣仙臣心空洞知

恩重

天語分明藉口傳

兩院長官傳
論同考諸臣各宜公慎

經注牙籤編象緯風

和蘭座聚星躔消閒擬和坡翁句試院茶香可共煎

忠雅堂文集

初八夜對月感舊呈葉毅菴秦叙堂汪耕雲紀曉嵐前輩張懷

月舍人五君子皆丁卯鄉舉同年故有作微颺料峭嫩寒尖門

徑斜封鎖鑰嚴題紙裁雲同密護印泥分彩各新鈴秋河顯晦

翻層浪好月盈虛隔一簾十六年前今夜漏六人五處卧風檐

汪紀同

上

舉京兆

諸重光和徐芳圃師校士貢院敬依

御製臨幸貢院詩四首元韻詩云高秋晴旭豁嘉辰額士宏開

踏省闈兩地鈞衡勞甲乙三條樺燭憶庚辛

先生于庚午登賢書辛未成進士故

云無邊風月歸才筆有美湖山認主人江上芙蓉爭得氣欣看

十月小陽春星辰曳履近三台玉尺頻持爲選才天上幾人得

雋者大夫如此信賢哉桂林香滿因風發嵩岳雲高待雨開小

試亦煩眞作手人歌何暮慶公來幾輩因風已上搏門庭清峻

有誰干傳家自許盟心在報

國從知得士難太守愛人甘似肉書生得句勝于官一時桃李

皆新植莫以霜華任菊殘樹花茵溷判升沉也比歡場醉且吟

雜沓賓朋東閣盛從容絲竹後堂深同時席帽誰登幟再著麻

衣愧入林白髮門生甘下拜如公眞不負初心

二研齋遺稿

王文治壬午京兆試以分校入闕呈兩座主并示同人用蔣心
餘前輩韻二首詩云奎宿遙分日月光行營銜

命到朝廊瑤墀露重黃封泥禁樹風微紫綬颺幾許鵷鸞陪

載筆昨霄鴻雁送歸裝司天合奏卿雲旦見說文明應壽昌

聖節鎖院槐陰透日華分曹左右列蜂衙高寒最近文昌座閉

置休嫌新婦車往日常官原似客經時小住便爲家爲傳奉

使諸同學憶爾張騫八月槎

夢樓詩集

胡高望辛卯山東闈中卽事詩云東來海岳見高深

恩許論文啟士林自昔師儒崇正業卽今齊魯嗣清音含毫肯

負三條燭點額寧忘千載心共指爲章星漢麗春風新荷六

飛臨城上雙鋒照碧霞鑲廳秋靜試煎茶律諧軒管聯仙侶繡

曳宮袍倚使車敢擬千絲同結網還期百鍊出披沙承筐聽取

和鳴鹿紫塞

前旌更拜嘉

望先奉木蘭園

命隨往行在扈蹕

嘉樹堂詩集

趙翼臚傳紀

恩四首詩云

玉殿臚聲肅早朝雲端仙樂奏虞韶班依雉尾

開宮扇時先龍舟奪錦標

向例臚傳在五月今改四月二十五日

四海人才文一

等十年場屋蠟三條生平望此如天上何幸今真到絳霄三唱

依然伏地堅

令甲唱各至三聲猶伏地不起鴻臚官掖之出班

緣知仕宦戒爭先無才

名敢羞王後有客書能炫趙前

東坡詩羅趙前頭且炫書

蓬島雲霞曾到頂

洞霄班位總稱仙已慚鼎足猶非分敢望巍科第一傳走馬長

安已老蒼多慚人說探花郎來從金水橋中道出有天街繡兩

行

恩重始知無可報才微自問有何長宮花插帽生輝處也比山

妻瘦面光却憶燈窓弄墨丸先公珍作掌珠看弱齡時已期今

日舉世人皆鑒此官一第倖成偏已晚九原雖笑對誰歎只餘

簫鼓喧迎處略慰慈闈兩鬢殘

歐北集

壬午秋闈分校卽事詩云澹墨纔分榜並香遽持玉尺許評量
敢誇眼似新磨鏡尚有魂驚古戰場珊瑚網慮疎羅一目經簾欲
叩腹三倉所期瑞集高梧鳳藉手文章報

廟堂魚雅衣冠列座分科場責望此番新主司原是蓬瀛長分

校全聯館閣人文到醉翁應一變莊收陸氏不妨貧異時千佛

經傳出紙價長安幾倍論

梁觀二主司皆兼院長
同考十八人皆館閣人

黑白漫漫局

未明別裁忍負夙心盟九還可煉誰功到一筆能勾奈哭聲腕

力袖穿風兩肘眼花燈眩鼓三更可憐利市欄衫客豈識持衡

爾許情連日西風落葉繁人間渾未識秋痕勞薪已作溝中斷

戰骨猶留夢裏魂曉擲靈蓍勤問兆夜看雄劒擬酬恩生平此

味曾嘗遍束筭堆邊手再翻紙窓雁齒互排連怡稱朋儕作達

緣邀佛廣塲兼說鬼聚至仙界合談天諸同人連鼻尖出火欬

燈穗舌底翻瀾沸酒泉捫腹自慚無故實眾中堅坐聽轟闐上全

散館恭紀詩云三十餘人試殿姓各獨荷

帝疇咨上獨呼臣小臣未敢他途進

聖主真懸特達知詩草行書呈滿幅詩稱恭呈輓花跪奏語移

時廿年年落菰蒲土何幸親承雨露私傳聞

天語殿東頭益愧才非第一流已忝班行詞館綴曾邀名字

御屏留去歲京察蒙文章似惜楊無敵骨相兼憐廣不侯引見

後謂臣文自佳而殊少福相寒士從來感知已况蒙

帝鑒更何求上同

蔣雍植戊午鄉試被放同諸君飲酒肆詩云不比窮途哭聊爲

酒肆歌歸耕吾足矣痛飲日亡何秋雨寒難下羞顏醉欲酩殘

殺吹火炙還勝射堂驚待園詩鈔

沈初和德定圃先生辛丑主試禮闈原韻詩云唱酬試院昔賢

遺拜

命文衡許共持尋味酸鹹新什展問途辛苦夙心知風塵得士

憑超俗今古論才總應期竊喜折衷師席近口偕先達共肩隨

謂謝金園吳香亭兩前輩雅意妍詞均罕友

主恩人望一為衡茶聲忽到重簾靜星彩當空五夜明心迹相

看清可扼文章要使遠能行淵珠敢信搜能盡品隲惟期矢慤

誠謝金園詩集

韋謙恒蒙

恩復入詞館恭紀詩云

聖主恩波海樣寬

詔書忽下五雲端自慙舊業荒蕪甚彌歎前愆補抹難芸館從

教添故事

京官編級例不得補翰

林外吏異數也

花輒更許結新歡蓬

萊再到真如夢感激唯餘淚獨彈

傳經堂詩鈔

已亥奉使滇南別京華諸同志詩云七年前記留鴻爪萬里重

看試馬蹄舊跡已拋春夢外

新恩又過夜郎西關河歷歷猶能說父老依依好更攜獨悵故

人成小別秋來孤負月如圭

同上

吳省欽五月九日 乾清宮引

見選館恭紀詩云觚棱端聳五雲間隔畫傳呼

法駕還

駕在西苑引

見者俱須祇詣惟新進士引

年

貫竝繡蚪斗字趨蹌分領橐駝班名超甲第先排等

自戊辰至是科除一

甲外皆先命王大臣驗列一等數人二等者三喜送丁奴各候

關從人止中通籍七年官數月官扉初次聽金環堯廷列跽

姓名通

詔傍階墀覽下風引許是日見官廳處距階例二丈譽忝朝元珠

錯落新進士試保和殿第一蹟聯館少玉玲瓏館選齒最少

欽與海寧祀禮部光李傑

丹豪結體天旋左各招既下丹國者庶吉士尖者分部額外主

而右丹黃闥凝暉日正中好與元和徵故事喜歡三十二人同

陳標句案元和十三年放進士三十二人今引對頻煩翰苑司

引翰林院同之傳宣頃出鳳凰池瀛洲雖到官稱士郊殷初

旋

帝命師庶吉士列以掌院學士充內閣學士列不候簡俾教習

北郊後抵掌院分書長論齒雲貴川廣人免習國書其餘三

三四日云於館選後數日以舊分到門換帖緩需期後輩謁前華初次俱

清書漢書謂之分書無常館謁報謂之換帖山林臺閣懸霄壤免習唐賢二應詩唐人

以應制應教麟角牛毛命不居下江祇選四中書江蘇庶吉士

改授其不由此者修撰泰大成而已乍支雙俸分習各開領解庶常館共銀

未引單車列後車庶吉士車入院門與編修學士無教養

恩兼三殿上哀榮感及九泉餘卷堂叩假臣何敢忠信齊心奉

玉除館選乞假者祇准註病或前稿

散館授職紀

恩詩云六街新報狀元歸西苑熏絃協舜揮襍被預租金地爭

押班齊望火城圍三年教養

恩如海兩字賢良德有輝執卷趨踰敷坐穩瓊茵髹几咫

顏威

時尹文端謝

劉文正以大學士為館師

恩訖入賢良門散卷

殿東晴接殿西陰正

大光明仰

帝心丹字分題雙捧下錦袍合跪三思尋盡

即忍切

求麥隴秋濤

壯莫負花甄晝晷沈一賦五詩真鹵莽願闕鳳律破蛩吟

是日試八

駢影賦委展詩首欽成五首

翠輦東來降玉階羽林全撤仗雙排平臨

天步光先近

宣索雲箋韻未諧

已刻殿

御輦經殿前題下諭詩成者以稿上

封進閣門重簡

點評量樞院妙參差二三等第勞

宸覽留館容看發綠牌

清漢書皆分一二三等折封後依序繕寫頭牌引

對勤政殿

宵衣勤政仰家傳雁序通名豈論年職志已完文士業詞章也

荷

聖人憐但循資格安時命蚤託編摩遺俗緣如此清華難副望

向陽葵苞精專尚致與修一統志音訓述微同

四月五日大考翰詹諸臣八日拜擢侍讀紀

恩詩云天門誅蕩曳青綬甲第聯銜候試差月旦待題名士重

風儀難信病坊諧明日引見應出試差人員坊六年大比

宜循典三日常零適致齋館吏一時喧走語筆牀硯匣細安排

自王成後屆六年即舉大文固宏開曙色雲羽林雙引翰詹齊

抱從佛脚靈當乞仰過

天顏候漸稽薦

寢拜霑嘉果

賜留田策罷遠糧齋茂先王佐臣何有慚媿枋榆斥鷃低試擬張華

鶴鶴賦新羅屯田議白華朱實捧

宸賡草屋標題兆豫成首欽自號白華伏聞御製朱櫻詩

夏天之句新進無資還壓卷故人有分輒連名省欽列一等第一等第二等

自省欽名皆在籍上召試明考寸心得失終難問鼎甲廻翔暫比榮例止

三人今後好修衷倍矢

勅頭何易副

親旌歷奉論古觀其文丹翰選除

寵命新光明喜遇佛生辰三升未信由司馬五品先誇不遜人

明張位詞林典故五品不復報推遜引虞書語人以爲笑端

主文章徒夢寐致身富貴孰精神飛沈時數關前定少賤驚心

四十春同上

姚頤奉

命視學楚南恭紀詩云微生遭

聖明謬忝文字知服官十五載雨露

天所私一持南轅簡三佐春官閣年來
禁廷直冰兢夙夜思

謂言之謂埃微意

恩重施曉曉使舊車載得
鴻恩慈音旋旋與七載蒙祿養一從南轅返坐思寢門曠大

哉
聖人恩慰此望雲望楚南與古江纔隔幾亭障他時依子舍歡
顏聊可暢顧慚螻蟻私遂荷

皇天諒三楚多秀士詩人夙所誇斯文騷雅餘歷歷凡幾家流
風未宜墜况多蘭杜葩我馳千里轍遠泛八月槎何以塞吾責
一心矢無瑕願言衡岳雲散作士林霞得人未可必敢辭梳與
爬維

聖有明訓崇實黜浮華

雨春軒詩草

管幹珍丁酉夏五月奉

命使黔望後七日小雨啟行留別京師諸友詩云驪駒復驪駒
蹀躞沙間柳勞亭酒旣清肴核亦惟有杯杓非爲歡流連情孔
厚繼見雪花前將離榴火後余行指青山繫心在黃口含意弗
復申揮手謝良友

松崖詩鈔

戊申秋試闕中述志疊韻答端厓詩云幾回

恩重捧新綸典試京圻

命又申暮雨恰來攻苦地秋風須惜耐寒人
幾留敗墨防無色
襖撿行衣尚漬雪
霜頻年多似雪
眼明終合讓經神

同上

已酉季春六日奉會試考官

恩命恭紀詩云欣看釋耒便橫經
宴罷春官棘院局每愧承
恩頭盡白何曾相士眼能青
奎光鎖闥山星聚
秋雨疎簾憶夜

聽我亦孤寒真面目年來衡鑑倍惺惺

吳壽昌奉

命赴熱河行宮謝

恩詩云晚暮叨

渥恩文枋屢膺使鎖闥尚未撤

詩昌時分授京兆試

星輅許南

指顧維龍鍾軀嫗久

金祀泥首赴

行殿驚竭車為駛合

圍屈旋蹕

聖顏覲如咫尺荆古荒陬雅化資振起敢因浙產人一切惟俯

視

蒙人閱點

諭以臣浙

區區心所銘往飲五溪水

虛白齋存

吳錫麒春榜放後作詩云驚雷一夜魚燒尾矯首龍門許共飛

豈有奇文高輩行遙知喜氣動庭闈嚴親憶遠方占夢老母憐

寒欲寄衣今日天涯差慰藉三千里外提書歸

有正味齋集

五月八日 乾清宮引

見館選恭紀詩云 御苑先期回 鳳輦時引

駕在北苑以見新進士先

一口還 彤墀咫尺覲

龍顏何圖白屋單寒士得入 丹臺點注間仙露飛來沾小草

天風引到卽三山祗慙未竟詩書業便許叨陪侍從班同上

馮培乙卯京兆試分校入闈詩云乍踐論文席仍叅薦士班駢

征虛遠道鎖院瘳嚴闕奎壁層霄上風雲列坐問眼中吾已老

惆悵鬢先斑聽鼓三條燭含毫一寸心當年曾此地辛苦棘垣

深痛定宜思痛音希有賞音勿云操鑒易咫尺鬼神臨始進渾

無事蠡銜三面齊爭先資健僕卽次得安栖庖湑連牀近衣施

傍戶低暫教離 禁直不問夜冠啼供具食單來龍門際曉開

盤餐兼菽肉鼎味及鹽梅留飼雞雛小聞香傳飪催

君恩叨飫賜果腹到興儻卷多如束笋早晚耐煩看輒念終場
苦翻愁點筆難瓜田毋過細藥籠未妨寬惟有冰心在中天月
照寒但取光芒見何能瑕類無艱難求趙璧愛護握隋珠伸詘
原天定妍媸敢自誣殷殷承下問老馬愧知塗

昭代文章伯歐梅接武同別裁除軋茁商榷秉虛公駿骨能高

價鴻毛喜遇風舉頭日五色無復笑冬烘禍才登孔表郊賤達

韓詩

謂薦士詩

昔重非常士今真鳴盛時惟慙啟事拙勿怨蹇修遲

落紙如飛後叨鳴尚夢思

鶴牛巢詩存

丙辰分校會闈詩云丹毫捧出

御題新又逐鴈行叩紫宸握槩故應吾輩事尋巢還屬去年人

光分列宿占奎璧慶集初元紀丙辰海內英雄爭輻輳程材敢

自許卑猥

同上

汪如洋闈中校文將畢賦示同事諸君詩云桂輪一瞬過優曇

依舊晨昏此盍簪泰岱材掄松柏茂重陽節盼雨風酣頻煩使

館牲牽給累擬僧堂梵課耽迅覺埽階多落葉枯憐下筆有春

蠶夏侯經術申公垓夏青巖明府魏相勲猷丙吉叅魏又泉明府穎士清

才奴僕愛蕭二餘明府逋仙雅伴鶴梅堪林敬盧明府中興朝望名兼朱

姚肆三明府夢賚家聲學繼甘明府輞水圖教蘭渚配王勵堂燕南兩明府

司勲句豈拾遺慚杜疏長青明府由來飼雀歸陰德楊又山明府最好聞

雞領快談劉蘊亭明府數合辰躔緣豈偶情馳海網力俱探和如嶰

管吹噓應秀比巫峰指顧諳到眼誰迷日色五燒心已盡燭條

三點頭暗想神光合種玉深期寶氣含失笑朱寧看似碧他時

青敢過於藍以上四句戲謂朱蕙蘭潤田兩司馬沈埋可歎牛腰束蹇劣虛追

驥足騷匝月塵襟須盪滌明湖秋老勝江南蘇冲書屋集

鐵保已酉春闈典試詩云莘莘多士慶彈冠精鑒應慚報稱難

列坐論文七吏部

松崖前輩現攝吏部侍郎趙宋闕祥四君俱吏部主政而保與開岩舊任功曹前後得七

人典試事亦或舉也

一堂執事兩春官

時偉人相公兼理禮部

令增覆試三年始歲

間重裘四月寒更幸

主恩叨破格

九重先為計盤餐

入闈前一日召見貢舉問考官供給

詩鈔

典試江南留別都門諸子詩云江南江北文章地拜領新銜寵

復驚豈有虛名扶大雅慚無精鑒慰羣英海中珠網搜難盡眼

底金鎚刮未明敢恃臣心如水白暴鯁人有不平鳴桑乾河外

息征驂渺渺星軺路未諳去日生徒懷薊北歸時桃李問江南

韓潮蘇海文瀾濶楚尾吳頭客夢酣他日奚囊存好句六朝名

勝滿詩龕

同上

癸丑禮闈典試詩云大江南北昔論文余去歲江棘院風清日

又曠鐵網偶疎珠有淚雲程爭赴驥無羣五經備合掄才法是科

始五經並試三傳全消聚訟紛左傳亦自是科始猥典春闈今兩度

典試事金鑑刮目願逾殷上

石韞玉聞喜詩云杏林槐市十年中先後蒙

恩慶榜同欲報高深持底事願將多壽祝

皇躬犧畫箕疇貫古今八徵念切

聖人心乾乾更法天行健策士先咨大寶箴王後盧前定價難

十人先覲五雲端

君恩特敕魁天下聖恩特擢第一

御筆親題墨未乾龍飛占協大人祥臚傳次日諸進士禮部赴

香案謝恩舞蹈班聯宰相行錫山稽拙修相公以雍正庚戌九十

七人同與讌 宮花猶占一枝芳曾遇仙人夜降乩妄言妄聽

等兒嬉而今始識榮枯事早定男兒墮地時已亥春客海江有共論者即之此作

三魁字余鄉試第十二會試劉學第十四殿試第一皆如左卷廬集

洪亮吉八月十四日閤中奉視學黔中之

命紀

恩八首詩云手披口誦日巡環清福誰言不等閒却愧

主恩原過厚校文纔了許看山未妨旬日緩征程官閣西偏瑣

院清時居會經堂八百孤寒倘回首使星猶傍玉階明學荒寧好作

人師心賞偏教下筆遲日向一堂橫處坐沉思不異課經時二

十三人說聚星三主試十八同考及內橫排凡案敞扉櫺諸公收掌二人共二十三人

僻事勞相訪我尚應慙劉石經一紙除書下九重凌晨傳徧棘

闈中神仙亦有升沉感閒向瑤階說杜冲時分校十八本惟余及江西李鴻修傳熊

學之緒擊甲乙卷縱橫宵漏沉沉入五更忽得一篇勤擊

節却逢紅燭語分明俗言燭花語為吉祥七尺筠籃手乍拋舉子入場携竹籃貯什物

竟攜文筆試同曹官資深淺由君較坐中有言科分深淺者是以及之只我

前年尚白袍姓名題向榜頭遲短李才偏噪一時填榜畢本房

士纔欲解顏先下淚孤兒十載已無師予少私從太安人授經今太安人下世已十七

年卷施閣矣詩集

魏成憲八月八日夜聚奎堂監刻試題用壁間王衷白先生韻

詩云奎斗躔中夜景深露華涼透月華臨自來咫尺雲霄路也

似尋常翰墨林簾外雙扉嚴啟閉人間一紙判升沉青袍鵠立

知多少如水初心映錦心秋簾小

康熙間汪東山繹修撰嘗預分校闈中有三絕句曰三更獨自

捲簾坐皓月青天見此心曰敢恃平生麓意氣誤他燈火又三

年曰不知幾尾留多少待遇中郎已半焦一時人多傳誦之

李孫丁酉奉

使楚南出廣寧門詩云星輅初試出

皇都遙指南天戒首塗旆影雲開閭闔地

恩波秋滿洞庭湖敢矜胸次操冰鑑祇秉風期比玉壺此日端

征持節去江山文物賞心俱

惜分陰齋詩鈔

庚子夏奉

命典試蜀中出廣寧門卽用丁酉

使楚原韻詩云復賦皇華出

帝都輶車遄發睠長塗才推西蜀源流峽人憶南湘月滿湖

丁酉奉政說珊瑚歸鐵網祇將清潔付冰壺十年回首

城下

予於辛卯領鄉薦今已十年

故我依然心跡俱

同上

甲寅初秋奉

簡典試中州出彰義門詩云爲賦皇華出

帝京疊膺文柄荷

恩榮宣勞不憚泥塗險

時雨水過多道路積水難行

矢志肯渝冰玉衡春雨

河隄踪跡舊秋風梁苑夢魂清卽今重去思休沐鎖院霜嚴月

旦評

同上

乙卯仲夏奉

命典學四川出廣寧門用庚子典試蜀中原韻詩云輅車遄發

指成都固節城臨戒首塗風雨遙天開棧閣星霜節使歷江湖

當時八月思冰鑑此地三年稟玉壺祇愧菲材無報稱雙清心

跡月明俱

吳樹萱奉

命典試粵西紀

恩兼寄家孟嶺南詩云灑到湘源路鬱紆平生誓願訪三吾西

南徼有相思埭左右江臨使者符犵烏狔花山人畫裏鹽包飯

戶輪租象益臻恬豫書生馳傳山來慣蠟屐今能濟勝無歸

從劍樓已三年誤蕩蓬萊尺五天名在藤廳陪啟事夢迴錦水

傲游仙四回雲朶裁麻捧廿四奉與試之萬里

星郵擁節遄敢忘初心最辛苦青氍燈火舊因緣風雨彭城悵

別離者番仍負對牀期蠡濤見於乙卯秋卓薦入都引庚戌歲

都亭餞送後別經八載今于試攀桂嶺瑤簪上偏隔花田珠水

役嶺西翹首羊城更增悵惘湄衣鉢總皈千佛選壩篋同譜百蠻詩起家文字殊多幸先後

叨榮感懼滋同曹拔幟愧先登文物中原鑑不勝送別偏來投

轄客催行又作打包僧嵯峨蒼玉環城立寥穴丹霄傑閣憑羸
得新篇富裝篋鬱林載石凜如冰

壽庭詩鈔

乾隆辛酉陳星齋先生充湖北正考官前此乙卯使者爲孫虛
船先生同里人清風店壁間有孫題詩先生次韻云皇華四出
駕連錢芳躅相尋入楚天只有穆如詩最好風流猶記兔兒年
先生閣中閱卷戲謂同事曰我輩用心自不敵神力但不肯被
一單便迷耳故紀事詩末二句有單眼點頭終被給只增神力
幾分勞之句

詩鈔